

# জনকের হাতে পুনর্জন্ম হবে মালয়েশিয়ার


জামির হোসেন

ঘুরেফিরে সেই মাহাথিরের হাতেই মাতৃভূমি মালয়েশিয়াকে তুলে দিল মালয়রা। দেশ কারিগরের কাছেই দেশ ফিরিয়ে দিল জনগণ। আশা একটাই, জনকের হাতেই পুনর্জন্ম হবে মালয়েশিয়ার। দীর্ঘ ১৫ বছরের দুর্নীতি আর দুঃশাসনের দুর্গন্ধ দূর হবে এবার। আবার ঘুরে দাঁড়াবে মালয়েশিয়া। রাজগার বাড়বে, দ্রব্যমূল্য কমবে, সচ্ছলতা আসবে নাগরিক জীবনে। টানা ১৫ বছরেরও বেশি সময় মুখ ফিরিয়ে ছিলেন। সুযোগ দিয়েছিলেন উত্তরসূরিদের। কিন্তু শেষ পর্যন্ত চূপ থাকতে পারলেন না। আবার লাগাম ধরলেন। হাতেগড়া শিষ্য ও ক্ষমতাসীন প্রধানমন্ত্রী নাজিব রাজাককে তুড়িতে মসনদ ছাড়া করলেন আধুনিক মালয়েশিয়ার রূপকার ডা. মাহাথির মোহাম্মদ। গড়লেন আরেক নতুন ইতিহাস। ১৯৮১ থেকে শুরু করে ২০০৩ পর্যন্ত দীর্ঘ ২২ বছর সততা, দৃঢ়তা ও নিষ্ঠার সঙ্গে প্রধানমন্ত্রীর দায়িত্ব পালন করেন তিনি। ২০০৩ সালে স্বেচ্ছায় ক্ষমতা ছাড়ার আগে নাজিবকে উত্তরসূরি বেছে নেন তিনি। চেয়েছিলেন, উন্নয়নের যে মহাসড়কে তিনি মালয়েশিয়াকে রেখে এসেছেন, সে পথেই দেশের অগ্রগতি অব্যাহত রাখবেন নাজিব। কিন্তু কাঁচা হাতে ক্ষমতার দণ্ড পেয়ে তার অপব্যবহার করেছেন নাজিব। উন্নয়নের বদলে দেশকে অবনতির গভীর খাদের কিনারে নিয়ে গেছেন। নাজিবের বিরুদ্ধে রাষ্ট্রীয় কোষাগার থেকে কয়েক বিলিয়ন ডলার সরানোর অভিযোগ



বৃহস্পতিবার রাজার সঙ্গে দেখা করে ফিরছেন মাহাথির মোহাম্মদ ছবি: আহমাদুল কবির

রয়েছে। শিষ্যের এ পতন মেনে নিতে পারেননি মাহাথির। তাই তাকে ক্ষমতা থেকে হটিয়ে দেশকে সঠিক রাস্তায় ফিরিয়ে আনতে আবার রাজনীতিতে ফিরে এলেন তিনি। বিরোধী দলে যোগ দিয়ে নাজিবকে চ্যালেঞ্জ জানালেন তিনি। মালয়বাসীকে আবার আরেকবার জেগে ওঠার ডাক দিলেন। অবশেষে ১৪তম জাতীয় নির্বাচনে ৯২ বছরের বড়ো হাড়ের ভেলকি দেখালেন তিনি। ব্যাপক গণসমর্থন নিয়ে পুনরায় প্রধানমন্ত্রী পদে শপথ নিলেন তিনি। জীবনের শেষপ্রান্তে এসে তার এ নতুন করে ঘুরে দাঁড়ানোর মধ্যে একটি বড় বার্তা ছড়িয়ে পড়েছে সারা বিশ্বে। তা হল— 'তিনি বেঁচে থাকতে মালয়েশিয়াকে কেউ বিপথে নিয়ে যেতে পারবে না।' বিজয় ভাষণেই মালয়েশিয়ায় যে কারণে দ্রব্যমূল্যের বৃদ্ধি ঘটেছে ইতিমধ্যে সেই জিএসটি শুদ্ধ ব্যবস্থা বিলোপ করার ঘোষণা দিয়েছেন তিনি। তবে ভোটে রাজনীতিতে ক্ষমতাসীন দলকে চ্যালেঞ্জ জানিয়ে সফল হলেও মাহাথিরের সামনে এখনও বেশ কিছু চ্যালেঞ্জ অপেক্ষা করছে। মালয়েশিয়ার একটি প্রভাবশালী পত্রিকা মালয়েশিয়াকিনিউটকম এক সম্পাদকীয়তে বলেছে, 'মাহাথিরের জন্য চ্যালেঞ্জ সব শুধু হল। কেউ যেন এমনটা না ভাবে যে, নতুন সরকার রাতারাতি সবকিছু বদলে ফেলতে সক্ষম হবে। কারণ গত ১৫ বছরে দুর্নীতি আর অপরাধের শিকড় দেশটির অনেক গভীরে প্রবেশ করেছে।'



ডেভিড গুডাল

জীবনের ওপর  
বিরক্ত হয়ে  
স্বেচ্ছামৃত্যু  
বিজ্ঞানীর

Dated : 09.05.18

যুগান্তর ডেস্ক

যে মৃত্যুকে দূরে ঠেলে দেয়ার জন্য মানুষের প্রাণান্ত চেষ্টা, সেই মৃত্যুকে আলিঙ্গন করে নিলেন অস্ট্রেলিয়ার বিজ্ঞানী ডেভিড গুডাল। স্বেচ্ছামৃত্যুর জন্য সুইজারল্যান্ডের একটি হাসপাতালকে বেছে নেন ১০৪ বছর বয়সী এ বিজ্ঞানী। বিবিসি জানায়, স্বেচ্ছামৃত্যু গ্রহণ করতে গত বুধবার (২ মে) তিনি অস্ট্রেলিয়া থেকে সুইজারল্যান্ডে যান। দেশ ছাড়ার আগে বিজ্ঞানী গুডাল বলেছেন, 'জীবনের ওপর আমি বিরক্ত। আমাকে অবশ্যই যেতে হবে। আমার জীবনকে আর রাখতে চাই না।' স্থানীয় সময় বৃহস্পতিবার দুপুর ১২টা ৩০ মিনিটে বাসেল শহরের হাসপাতালে শান্তিপূর্ণভাবে তিনি মৃত্যুবরণ করেছেন। তার এ মৃত্যুতে সাহায্য করেছে লাইফ সার্কেল নামের একটি প্রতিষ্ঠান। গুডাল অসুস্থ নন। কিন্তু তার সামাজিক জীবনে ছেদ পড়েছে। আর তাই হয়তো তিনি মৃত্যুর 'ভূত' দেখেছেন।

## Government of the People's Republic of Bangladesh Roads and Highways Department

Office of the Additional Chief Engineer

Sylhet Zone, Sylhet.

Phone : 0821-726755

E-mail: [acesylrhd@gmail.com](mailto:acesylrhd@gmail.com)

Memo No. SZ/PMP(Road)/196058/1298

Date: 09/05/2018

## e-Tender Notice

This is an online tender, where only e-Tenders will be accepted in e-GP Portal and no offline/hard copies will be accepted. To submit e-Tender, please register on e-GP System Portal (<http://www.eprocure.gov.bd>).

e-Tenders are invited in e-GP System Portal (<http://www.eprocure.gov.bd>) by Additional Chief Engineer, RHD, Road Zone, Sylhet for the procurement of *Periodic Maintenance by Partial strengthening 7 Overlay at Ch.17.200 to Ch.48.400m and protective work at different location of Shaistagonj-Habiganj-Nabiganj-Sherpur-Aushkandi Road (R-240) under Habiganj Road Division of Road Zone, Sylhet during the Year 2017-2018.*  
**Tender Package No. 22/e-GP/PMP(Road)/ACE/RHD/Sylhet/2017-2018. [Tender ID No. 196058]**

e-Tender details can be downloaded from 18.30 on 10-05-2018 to 15.30 on 10-06-2018 on e-GP System Portal <http://www.eprocure.gov.bd> for pursue. e-Tender will be accepted only upto 13.30 on 11-06-2018. Accepted tenders will be opened online immediately after 13.30 on 11-06-2018.

**Khandaker Golam Mostafa**

ID No. 005401

Additional Chief Engineer (C.C.),

RHD Sylhet Zone,

Sylhet.

DG-1161/18 (6"×3)